

**VIÐBRAGÐSÁÆTLUN**  
**ALMANNAVARNA**

**Eyrarskjól**  
**Ísafirði**



**Hjallastefnan**



**Almannavarnadeild  
ríkislögreglustjórans**

**Sóttvarnalæknir**

**Menntamálaráðuneyti**

# Efnisyfirlit

1.	<i>Inngangur að viðbragðsáætlun</i> .....	3
2.	<i>Alþjóðaheilbrigðisreglugerðin og markmið áætlunar</i> .....	4
3.	<i>Virkjun</i> .....	5
4.	<i>Virkjun viðbragðsáætlana skóla</i> .....	7
5.	<i>Stjórnum og lykilstarfsmenn skólans</i> .....	9
6.	<i>Starfssvæði skólans og umfang</i> .....	10
7.	<i>Áhættumat</i> .....	11
8.	<i>Viðbragðsáætlun –Eyrarskjóls- við heimsfaraldri</i> .....	13
9.	<i>Samskiptaleiðir</i> .....	16
10.	<i>Kort og teikningar</i> .....	17
11.	<i>Dreifingarlisti</i> .....	18
12.	<i>Breytingasaga</i> .....	19

## **1. Inngangur að viðbragðsáætlun**

Viðbragðsáætlun þessi segir fyrir um skipulag og stjórn aðgerða í Eyrarskjóli áisafirði í samræmi við áætlun Almannavarna um viðbrögð við heimsfaraldri.

Markmið viðbragðsáætlana skóla eru að tryggja skipulögð og samræmd viðbrögð allra skólastofnana sem og starfsmanna þeirra þegar til heimsfaraldurs kemur.

Við gerð áætlunarinnar er meðal annars stuðst við lög um almannavarnir nr. 82/2008 og lög um sóttvarnir nr. 19/1997.

Áætlunin er í samræmi við Landsáætlun vegna heimsfaraldurs/Viðbragðsáætlun Almannavarna. Fyrri útgáfa þeirrar áætlunar bar heitið Landsáætlun vegna heimsfaraldurs inflúensu og hefur hlutverk hennar nú verið víkkað og nær yfir heimsfaraldra veikinda af hvaða toga sem er.

Viðbragðsáætlanir skóla hafa samræmda uppbyggingu. Kaflar 2, 3, 4 og 7 eru sameiginlegir og geyma almennar upplýsingar frá menntamálaráðuneyti, almannavarnadeild ríkislögreglustjóra og embætti sóttvarnalæknis. Aðra kafla semja skólarnir sjálfir og mynda þeir hina eiginlegu viðbragðsáætlun hvers skóla.

Ábyrgð á áætlun þessari er í höndum Guðríðar Guju leikskólastýru Eyrarskjóls. Áætlunin verður endurskoðuð á a.m.k. fimm ára fresti, en yfirfarin árlega t.d. hvað varðar boðleiðir, gátlista og starfssvæði skóla. Ef miklar breytingar verða á starfsemi skólans verður áætlunin þegar í stað endurskoðuð.

Áætlunin verður kynnt fyrir starfsmönnum skólans, nemendum og forráðamönnum ólögráða nemenda. Hún er aðgengileg á vefsíðu skólans: <http://eyrarskjol@hjalli.is> og í prentuðu formi á skrifstofu skólastýru sem og í Handbók starfsfólks Eyrarskjóls.

Áætlun þessi tekur þegar gildi.

Ísafirði. 11. 03. 20202

Guðríður Guja

Leikskólinn Eyrarskjól

## 2. Alþjóðaheilbrigðisreglugerðin og markmið áætlunar

### Alþjóðaheilbrigðisreglugerðin og alþjóðleg lýðheilsuógn

Allt frá miðri 19. öld hafa verið gerðir milliríkjasamningar um aðgerðir til að stemma stigu við að smitandi sjúkdómar berist milli landa. Eftir stofnun Alþjóðaheilbrigðismálastofnunarinnar (WHO) árið 1948 var samþykkt alþjóðaheilbrigðisreglugerð (IHR) sem hefur verið aukin og bætt nokkrum sinnum. Árið 2005 kom út ný og gerbreytt alþjóðaheilbrigðisreglugerð sem tók gildi hér á landi árið 2007. Þessi nýja reglugerð (IHR) er í takt við nýja tíma því hin gríðarlega aukning sem orðið hefur í ferðalögum fólks milli landa og aukning á verslun og milliríkjaviðskiptum eykur hættu á að sjúkdómar og heilbrigðisógnir geti á stuttum tíma borist heimshorna á milli. IHR er bindandi alþjóðasamningur milli allra aðildarþjóða WHO og gildir ekki einvörðu um sérstaka smitsjúkdóma heldur einnig um hvers kyns heilbrigðisógnir, til dæmis af völdum eiturefna eða geislavirkni. Reglugerðin kveður meðal annars á um að aðildarþjóðum beri að hafa gott eftirlit með útbreiðslu sjúkdóma og annarra heilsufarsógnna og að landstengiliður skuli tilkynna um hvert tilfelli tiltekinna sjúkdóma og óvænt atvik sem eru eða geta orðið heilbrigðisógnir.

Markmið IHR er að hindra eða koma í veg fyrir að sjúkdómar berist milli landa, veita vernd gegn útbreiðslu og gera viðbragðsáætlanir gegn henni á sviði lýðheilsu og koma jafnframt í veg fyrir ónauðsynlega röskun á umferð og viðskiptum milli landa.

Aðalframkvæmdastjórn WHO tekur ákvörðun í samvinnu við bráðanefnd WHO um hvort tiltekinn atburður geti verið bráð ógn við lýðheilsu sem varðar þjóðir heims. Ef atburður er metinn sem alþjóðleg lýðheilsuógn er kallað eftir samstilltum viðbrögðum þjóða. Samráð þjóða er aukið sem og upplýsingamiðlun milli þjóða.

Viðbragðsáætlanir skulu vera í samræmi við Landsáætlun um heimsfaraldur og er að finna á [www.almannavarnir.is](http://www.almannavarnir.is)

### Markmið viðbragðsáætlunar hvers skóla

Viðbragðsáætlun vegna heimsfaraldurs miðar að því að lágmarka áhrif faraldurs og afleiðingar hans innan skólans með því að:

- Skilgreina mikilvæga verkþætti menntastofnunar og lykilstarfsmenn og staðgengla.
- Draga úr útbreiðslu faraldurs á vinnustaðnum og lágmarka smithættu.
- Styrkja nauðsynlega starfsemi og treysta innviði skólans.
- Upplýsa starfsmenn, nemendur og foreldra.
- Veita nauðsynlega fræðslu.
- Eiga til samræmdar áætlanir vegna hugsanlegs samkomubanns og þar með lokunar skóla.

### 3. Virkjun

Þeir sem hafa heimild til að virkja þessa áætlun eru almannavarnadeild ríkislöggreglustjóra og sóttvarnalæknir. Við ákvörðun um virkjun þarf einnig að taka ákvörðun um almannavarnastig.

#### Almannavarnastig

Almannavarnastig skilgreina alvarleika og umfang þeirrar hættu sem steðjar að á hverjum tíma. Hægt er að virkja viðbragðsáætlunina á þremur almannavarnastigum: Óvissustigi, hættustigi eða neyðarstigi. Ef WHO vekur athygli á nýjum faraldri og telur ástæðu til aukinnar árvekni meðal þjóða heims, skal sóttvarnalæknir framkvæma áhættumat og meta hvort þörf sé á virkjun viðbragðsáætlunarinnar. Atburðarásin í heimsfaraldri getur verið mjög breytileg og sveigjanleiki við notkun viðbragðsáætlunarinnar er því nauðsynlegur. Ákvörðun um almannavarnastig er tekin eftir að niðurstöður bráðabirgðaáhættumats liggja fyrir og einungis eru virkjaðar þær aðgerðir innan hvers almannavarnastigs sem taldar eru líklegar til að skila árangri.

#### Óvissustig – greining og undirbúningur

##### Skilgreining

Nýr faraldur hefur greinst í mönnum og ástæða þykir til aukinnar árvekni og ítarlegs áhættumats. Sýking hefur ekki greinst hér á landi.

##### Ráðstafanir

- Aukið samráð/samstarf við mikilvæg innlend samtök og stofnanir.
- Aukið samráð/samstarf við mikilvæg erlend samtök og stofnanir, WHO, ECDC, EMA og eftir atvikum aðrar stofnanir.
- Aukin vöktun og farsóttagreining.
- Athugun á birgðastöðu matar, lyfja og annarrar nauðsynjavöru.
- Athugun á boðleiðum.
- AST fari yfir áætlanir, verkferla, tengiliði og gátlista.
- Farið yfir verkferla.
- Endurskoðun á fræðsluefnin.
- Samráð/samstarf milli innlendra stofnana, samtaka, fyrirtækja og félaga aukið eftir þörfum.
- Æfingar, svo sem almannavarnaæfing og minni æfingar innan stofnana og meðal aðila sem hafa sameiginleg verkefni.
- Virkjun SST að hluta ef þess er talin þörf.

#### Hættustig – viðbúnaður vegna hættu

##### Skilgreining

Umtalsverðar hópsýkingar brjótast út hjá mönnum en þær eru enn staðbundnar. Veiran aðlagast mönnum í vaxandi mæli og umtalsverð hætta er á heimsfaraldri. Sýking kann að hafa verið staðfest hér á landi en lýsa má hættustigi þó sýking hafi ekki borist til landsins.

## Ráðstafanir

- Vöktun farsóttar og farsóttagreining efla.
- Áhættumat í stöðugri endurskoðun.
- Aukið samráð/samstarf við mikilvæg innlend samtök og stofnanir.
- Aukið samráð/samstarf við mikilvæg erlend samtök og stofnanir, WHO, ECDC, EMA og eftir atvikum aðrar stofnanir.
- Endurskoða, útbúa og dreifa fræðsluefnir til almennings og fagaðila í samræmi við áhættumat.
- Fræðsluefni miðlað markvisst á vef embættis landlæknis.
- Til greina kemur að beita takmörkunum á ferðafrelsi um hafnir og flugvelli.
- Setja þá sem eru með/gætu verið með sýkingu af völdum veirunnar í einangrun. Heimasóttkví/afkvíun hugsanlega beitt vegna þeirra sem eru einkennalausir en gætu hafa smitast af veirunni.
- Til greina kemur að skip verði sett í sóttkví.
- Virkjun SST.
- Takmörkuð virkjun AST í umdæmum, reglulegir stöðufundir.

## Neyðarstig – viðbrögð við atburði

### Skilgreining

Heimsfaraldri hefur verið lýst yfir eða hópsýking er að breiðast út innanlands. Vaxandi og viðvarandi útbreiðsla smits meðal manna.

## Ráðstafanir

- Áhættumat í stöðugri endurskoðun.
- Aukið samráð/samstarf við mikilvæg innlend samtök og stofnanir.
- Aukið samráð/samstarf við mikilvæg erlend samtök og stofnanir, WHO, ECDC, EMA og eftir atvikum aðrar stofnanir.
- Efla vöktun og farsóttagreiningu.
- Dreifing fræðsluefnis til almennings og fagaðila. Markviss skráning fræðsluefnis á vef embættis landlæknis.
- Opinberum sóttvarnaráðstöfunum er beitt eins og takmörkunum á ferðafrelsi og samkomubanni í samræmi við áhættumat, sjá kafla. 3.
- Heimasóttkví getur verið beitt og til greina kemur að setja skip í sóttkví.
- Full virkjun SST.
- Eftir atvikum full eða takmörkuð virkjun AST í umdæmum.

### Virkjun

Almannavarnadeild ríkislöggreglustjóra ber ábyrgð á virkjun áætlunarinnar í samráði við sóttvarnalæknir. Þegar ákvörðun um virkjun hefur verið tekin eru viðbragðsaðilar boðaðir og upplýstir um almannavarnastig (óvissustig, hættustig, neyðarstig). Sóttvarnalæknir skal upplýsa heilbrigðisráðherra um virkjun áætlunarinnar svo fljótt sem verða má. Almannavarnadeild ríkislöggreglustjóra ber ábyrgð á boðun.

## Afboðun

Almannavarnadeild ríkislögreglustjóra ber ábyrgð á afboðun í samráði við sóttvarnalækni.

## Opinberar sóttvarnaráðstafanir

### Samkomubann

Í samkomubanni samkvæmt 12. gr. sóttvarnalaga nr. 19/1997 felst að fjöldasamkomur eru óheimilar svo sem fundarhöld, skólastarf, skemmtanir á borð við dansleiki, leiksýningar og kirkjuathafnir, til dæmis guðsbjónustur. Samkomubann er sett ásamkvæmt nánari fyrirmælum.

Sóttvarnalæknir ber ábyrgð á sóttvörnum og mælir fyrir um sóttvarnaráðstafanir undir yfirstjórn ráðherra. Samkvæmt 12. grein sóttvarnalaga getur ráðherra, að fenginni tillögu sóttvarnalæknis, fyrirskipað skimun á landamærastöðvum, úrskurðað fólk í sóttkví/afkvíun þar á meðal heimasóttkví/heimaafkvíun, fyrirskipað samkomubann, afkvíun landsins í heild og innanlands í sóttvarnasvæði. Sóttvarnalæknir getur beitt slíkum vörnum til bráðabirgða án þess að leita heimildar fyrirfram en skal gera ráðherra jafnskjótt kunnar sínar ráðstafanir. Umdæmis- og svæðislæknar sóttvarna og sóttvarna-læknir skulu hafa samstarf um framkvæmd nauðsynlegra sóttvarna og njóta aðstoðar lögreglugrifvalda ef þarf. Sóttvarnaráðstafanir geta verið þess eðlis að ólíklegt sé að til þeirra verði gripið án samráðs ráðherra í ríkisstjórn vegna þess að þær varða allt svið samfélagsins.

### Þær eru:

- Fyrirmæli um samkomubann, lokun skóla og annarra samkomustaða.
- Fækkun landamærastöðva þar sem sett verður upp sóttvarnaskimun.
- Afkvíun alls landsins með lokun landamæra.
- Afkvíun landshluta með lokun milli sóttvarnaumdæma.
- Ákvörðun um að afléttu ofangreindum ráðstöfunum.

## 4. Virkjun viðbragðsáætlana skóla

Almannavarnadeild ríkislögreglustjóra og sóttvarnalæknir tilkynna breytingar á almannavarnarstigi (sjá nánar um stig í kafla 3).

## Breyttur viðbúnaður í skólum

Tilkynntar breytingar á almannavarnarstigi sem kalla á sérstök viðbrögð skóla á tilteknu sóttvarnasvæði eða landinu öllu verða staðfestar af menntamálaráðuneytinu með tilkynningu í fjölmöðum og á heimasíðu þess [www.menntamalaraduneyti.is](http://www.menntamalaraduneyti.is) og eftir atvikum með tölvupósti til skólastjórnenda og sveitarfélaga.

Viðbúnaður í einstökum skólum. Til þess getur komið að gera verði breytingar á skólahaldi í einstökum skólum án þess að tilkynnt hafi verið um breytt háskastig, t.d. vegna mikilla forfalla. Skólastjórnendur bera ábyrgð á slíkum breytingum með hefðbundnum hætti. Eðlilegt er að haft sé samráð við sóttvarnalækni á svæði skóla áður en veigamiklar breytingar á skólahaldi vegna heimsfaraldurs eru ákveðnar.

**Afboðun.** Þeir þættir viðbragðsáætlana skóla sem virkjaðir eru skulu ekki aflagðir fyrr en formleg boðun um það kemur frá yfirvöldum.

## Helstu verkefni skóla á einstökum stigum

### ÓVISSUSTIG

- Allir fræðsluaðilar geri viðbragðsáætlun sem tekur mið af aðstæðum fræðsluaðila. Skólastjóri eða forstöðumaður er ábyrgur fyrir áætluninni en getur falið öðru starfsfólki gerð hennar.
- Yfirfara allar boðleiðir og gera áætlun um hvernig nýta megi sem best upplýsingamiðlun fræðsluaðila svo sem símasvörur, tölvupóst, nettengd kennslukerfi, heimasíðu og samskiptamiðla.
- Stjórnendur fái heilbrigðismenntaðan starfsmann til að vinna með fræðsluaðila að undirbúningi.
- Kortleggja tengsl fræðsluaðila við aðrar almannavarnaráætlanir í sveitarféluginu og tryggja samræmi þar á milli.

### HÆTTUSTIG

- Gera birgðaáætlun um sóttvarnabúnað fræðsluaðila (grímur, hanskar o.fl.) og tryggja nægar birgðir.
- Gera verklagsreglur um ræstingar með tilliti til sóttvarna.
- Gera verklagsreglur um viðbrögð við veikindum nemenda og starfsfólks í samræmi við tilmæli heil-brigðisyfirvalda og almannavarna.
- Gera áætlun um öryggi fasteigna og búnaðar, komi til lokunar.
- Skrá sérstaklega fjarvistir nemenda og starfsmanna vegna viðkomandi veikinda.
- Hugað verði að því að nemendum í brotthvarfshættu bjóðist stuðningur námsráðgjafa þar sem því verður við komið.

### NEYÐARSTIG

- Skólar munu halda uppi starfsemi eins lengi og unnt er.
- Markmið er að starfsmenn skóla haldi áfram störfum þó nemendur eða starfsfólk sé sent heim vegna sóttvarnaráðstafana.
- Skipuleggja hlutverk kennara í fjarkennslu og heimanámi.
- Skrá sérstaklega fjarvistir nemenda og starfsmanna vegna viðkomandi veikinda.
- Hugað verði að því að nemendum í brotthvarfshættu bjóðist stuðningur námsráðgjafa þar sem því verður við komið.

## 5. Stjórnun og lykilstarfsmenn skólans

Í Eyrarskjóli eru 67 nemendur fæddir 2015-2019 og við skólann eru 20 starfsmenn á launaskrá í mis háu starfshlutfalli  
Við skólann starfa; Skólastýra, meðstjórnandi- sérkennslustýra, kjarnastýrur, eldhússtarfsfólk, ræsting, kennrarar og stuðningur. Öryggistrúnaðarfólk er kosnir í hópi starfsfólks.

### Skólastjórnendur:

Guðríður Guja leikskólastjóri [guja@hjalli.is](mailto:guja@hjalli.is) – sími 862-8250

Ingibjörg Einarsdóttir aðstoðarskóla og sérkennslustýra [ingibjorgei@hjalli.is](mailto:ingibjorgei@hjalli.is) – sími 896-4065

Dagný Hermannsdóttir kjarnastýra Gula kjarna

María Bjargey Davíðsdóttir kjarnastýra Græna kjarna

Selma Sigurrós Guðbjartsdóttir kjarnastýra Rauða kjarna

Tinna Arnórsdóttir kjarnastýra Bláa kjarna

Ötyggistrúnaðarkona: María Bjargey Davíðsdóttir

### Foreldraráð Eyrarskjóls:

Magni Hreinn Jónsson

Tinna Ólafsdóttir

Ásgerður Þorleifsdóttir

## 6. Starfssvæði skólans og umfang

Húsnæði:

Leikskólinn Eyrarskjól stendur við Eyrargötu 1 á Ísafirði. Það eri tvær leiðir til að komast að skólanum, annarsvegar að koma frá Túngötu og niður í Eyrargötu og hinsvegar frá Fjarðarstræti inn Þumlungsgötu.



## 7. Áhættumat

Líkur á að hingað berist alvarlegur smitsjúkdómur eru töluverðar enda eru ferðalög til og frá Íslanditíð. Fyrirfram er ekki hægt að fullyrða neitt um hversu skæður slíkur faraldur verður. Áhættumatið mótað meðal annars af alvarleika veikindanna, hversu móttækilegt fólk í samféluginu er fyrirsýkingunni, getu veirunnar til að smita og hverjir áhættuhóparnir eru. Hægt er að draga úr alvarlegum veikindum með notkun veirulyfja og bóluefnis, ef það er aðgengilegt.

### Áhættumat fyrir Ísland

Viðbragðsáætlanir hér á landi miða að því að tefja útbreiðslu faraldurs og draga úr alvarlegum afleiðingum hans en óvist er hvort alveg verði hægt að koma í veg fyrir útbreiðslu nýs smitsjúkdóms hér á landi. Eiginleikar smitefnisins eins og smitstuðull (R<sub>0</sub>), hvort einkennalausir eru smitandi og hversu lengi einstaklingar eru smitandi hafa meðal annars áhrif á útbreiðslu sýkingarinnar. Alvarleiki sýkingarinnar, dánarhlutfall, aðgengi að veirulyfum og bóluefni hafa einnig áhrif á áhættumat. Áætlað er að samhæfðar viðbragðsáætlanir hér á landi fækki sjúkdómstilfellið hér á landi geti lamast í tiltekinn tíma eða frá tveimur vikum og upp í þrjá mánuði, en með gerð viðbragðsáætlunar er reynt að lágmarka þann skaða sem sjúkdómurinn veldur hverju sinni. Þrátt fyrir að öllum tiltækum ráðstöfunum verði beitt má alltaf búast við ófyrirséðum afleiðingum. Reikna má með að fjárhagsleg afkoma heimila rýrni tímabundið, verðmæti glatist, dragi úr komu ferðamanna, sjávarfang minnki vegna skorts á vinnuafli og þjóðartekjur minnki í einhvern tíma. Almennt gerir þessi áætlun vegna heimsfaraldurs ráð fyrir að 25-50% þjóðarinnar sýkist þrátt fyrir sértækar sóttvarnaráðstafanir og að atvinnulíf lamist að hluta í tvær vikur til þrjá mánuði.

Í heimsfaraldri gerir sóttvarnalæknir áhættumat og endurtekur það svo oft sem þurfa þykir.

Áhættumatið er byggt á gögnum frá ECDC, WHO og gangi faraldurs hér á landi.

Áhættumatið er birt í upphafi hvers stöðufundar með viðbragðsaðilum og farið yfir mögulegar mótvægisáðgerðir. Endurtekið áhættumat er birt í hverri stöðuskýrslu.

### Vöktun og farsótttagreining í heimsfaraldri

Tilgangur með vöktun og farsótttagreiningu í heimsfaraldri er margvíslegur. Meta þarf útbreiðslu sjúkdóms, sjúkdómsbyrði í samféluginu og greina áhættuhópa. Að auki þarf að meta árangur veirulyfjanotkunar og bólusetninga eftir að bóluefni er orðið aðgengilegt. Til greina kemur einnig að skoða árangur opinberra sóttvarnaráðstafana. Vöktun og farsótttagreining leggur þannig grunn að áhættumati sem hefur stefnumótandi áhrif á aðgerðir til að bregðast við heimsfaraldri. Upplýsingar til almennings, fagaðila og stjórvalda um stöðu faraldurs á hverjum tíma byggja á vöktun og farsótttagreiningu.

Ýmsar leiðir eru til að vakta heimsfaraldur. Í heimsfaraldri verða veikindi tilkynningarskyld á Íslandi svo hægt sé að afla persónugreinanlegra upplýsinga með ítarlegum upplýsingum um þá sem greinast með staðfesta sýkingu. Fylgst verður með sjúkdómseinkennum og hvaða meðferð þeir fá ásamt faraldsfræðiupplýsingum. Vakta þarf innlagnir á sjúkrahús með sérstaka áherslu á innlagnir á gjörgæsludeild og upplýsingum verður safnað um einkenni, undirliggjandi sjúkdóma, fyrri bólusetningar, veirulyfjameðferð og aðra meðferð, þ.m.t. öndunaraðstoð og afdrif sjúklingsins. Í heimsfaraldri verður fylgst með dauðsföllum í sem næst rauntíma. Sú vöktun er tvíþætt, bæði þarf

að rýna í dánarorsök þeirra sem deyja á tímabilinu til að greina óvænt dauðsföll af völdum faraldurs og einnig þarf að fylgjast með vikulegum dánartölum. Fylgst verður með útbreiðslu faraldursins með gögnum frá heilsugæslunni og bráðamóttökum með skráningu þeirra sem leita til læknis vegna einkenna. Hver sjúkdómur hefur sérstakan kóða og nýir sjúkdómar eru einnig skráðir samkvæmt ICD10 flokkunarkerfi.

Tilkynningar berast um þá einstaklinga sem læknir gefur ICD-10 kóða fyrir greiningu í Sögu sjúkraskrá þegar læknirinn hefur staðfest samskiptin.

**Til að afla framangreindra upplýsinga heldur sóttvarnalæknir eftirtaldar skrár um:**

- Staðfest tilfelli frá sýkla- og veirufræðideild Landspítala.
- Klínískar tilkynningar um staðfest tilfelli frá læknum.
- Faraldurseinkenni, skráð í Sögu sjúkraskrá.
- Innlagnir á sjúkrahús og aðrar heilbrigðisstofnanir vegna faraldursins.
- Dauðsföll, þ.m.t.:
- Dánarmeinskra með ítarupplýsingum.
- Vikulegar dánartölur – ópersónugreinanlegar fjöldatölur.
- Fjölda bólusetninga ef bóluefni er tiltækt.

Skráningu á notkun veirulyfja bæði á veirulyfjum úr neyðarborgum sóttvarnalæknis og veirulyfjum sem eru sold í apótekum ef viðeigandi veirulyf eru tiltæk.

Önnur óhefðbundin vöktun sem kemur til greina er að fylgjast með fjarvistum í grunnskólum landsins.

Stöðug úrvinnsla og greining á þessum gögnum er nauðsynleg til að uppfæra áhættumat m.t.t. áframhaldandi aðgerða og til að upplýsa alla hlutaðeigandi.

Hluti framangreindra gagna er að auki sendur til Sóttvarnastofnunar Evrópusambandsins (ECDC) og Alþjóðaheilbrigðismálstofnunarinnar (WHO) sem fylgjast með framgangi faraldursins og uppfæra áhættumat bæði fyrir Evrópu og allan heiminn.

## 8. Viðbragðsáætlun –Eyrarskjóls- við heimsfaraldri

### Verkefni skóla:

Leikskólastjóri/aðstoðarleikskólastjóri annast verkefnisstjórn við gerð, uppfærslu og virkjun viðbragðáætlunar skólans.

Guðríður Guja leikskólastýra [guja@hjalli.is](mailto:guja@hjalli.is) – sími 862-8250

Ingibjörg Einarsdóttir [ingibjorgei@hjalli.is](mailto:ingibjorgei@hjalli.is) – 896-4065

### Fræðsla til nemenda, starfsmanna og aðstandenda.

Í samvinnu við Embætti Landlæknis og skrifstofu Hjallastefnunnar, Miðstöð munu skólastjórnendur upplýsa starfsmenn og aðstandendur um veiruna, útbreiðsluleiðir, hvernig draga megi úr smitleiðum, viðbrögð skólans o.s.frv. Upplýsingar verða settar á vefsíðu skólans og sendar foreldrum í tölvupósti.

Starfsmenn fá fræðslu um hvernig draga megi úr smitleiðum og hvernig þeir eigi að bregðast við veikist þeir sjálfir eða nemendur (sjá neðst í þessu skjali). Leiðbeiningar verða hengdar upp á kaffistofu starfsmanna til áminningar. Kennrar sjá um að upplýsa nemendur ef með þarf – að teknu tilliti til aldurs nemenda.

Sprittgel verður til sótthreinsunar á öllum salernum starfsmanna og í kennslustofum ásamt tómstundaheimili í varðveislu starfsmanna.

Lögð er áhersla á mikilvægi þess að upplýsingar miði að því að eyða óþörfum ótta og að tekist sé á við hugsanlega vá af yfirvegun, festu og þekkingu. Bent skal á að grunnupplýsingar má finna á vefsíðu Landlæknis undir heitinu Það sem þú þarf að vita sem er að finna á [www.landlaeknir.is](http://www.landlaeknir.is) sem og á vefsíðu Almannavarna [www.almannavarnir.is](http://www.almannavarnir.is)

### Endurskipulagning ræstinga

Ræstingar skulu endurskipulagðar strax á óvissustigi. Skólastýrur fundar með starfsfólk og fer yfir skipulag ræstinga og hreinlæti á hverju hættustigi fyrir sig. Lögð verður áhersla á einnota hlífðarbúnað s.s. hanska og svuntur. Einnig verður lögð áhersla á reglulega notkun sprittgels. Á hættustigi getur komið til vaktaskipta (tvö teymi). Á neyðarstigi verða vaktaskipti til að lágmarka samskipti starfsfólks svo og til að tryggja ræstingu. Ef kemur til lokunar skóla verða ræstingar skipulagðar með það að markmiði að lágmarka samskipti þeirra sem eru í vinnu en einnig með það í huga að hægt verði að opna skólann með stuttum fyrirvara. Skólastýru bera ábyrgð á skipulagi ræstinga.

### Hvernig að bregðast við veikindatilfellum nemenda í skólanum?

Ef nemendur veikast í skólanum gilda eftirfarandi reglur (skv. hefð)

- Haft er samband við foreldra/forráðamenn og þeir beðnir að sækja nemandann í skólann (eldri nemendur mega fara einir heim ef foreldri heimilar).
- Ef grunur leikur á að nemandinn sé með farsótt eru foreldrar hvattir til að hafa samband við lækni.
- Nemandi skal ekki mæta í skólann fyrr en hann hefur fengið heimild þess efnis frá viðeigandi heilbrigðisstofnun.
- Ef nemandi mætir í skólann með farsótt eða vísbendingar um það er haft samband við foreldra/forráðamenn og þeir beðnir að sækja nemandann til að hindra útbreiðslu smits. Foreldrum/forráðamönnum verður þá bent á að fara að leiðbeiningum hér að framan.

- Foreldrar barna með undirliggjandi veikindi eða veikt ónæmiskerfi eru hvattir til að kynna sér leiðbeiningar fyrir áhættuhópa á [www.landlaeknir.is](http://www.landlaeknir.is) eða vera í sambandi við Heilsugæsluna í gegnum [www.heilsuvera.is](http://www.heilsuvera.is) óski þeir ráðgjafar eða frekari upplýsinga um farsóttina.
- Ef grunur er um smit skal hafa samband við Læknavaktina í síma 1700.

## Skipulag afleysingakerfis lykilstarfsmanna (skólastjórnenda) ef til veikinda kemur hjá þeim



### Skólastjóri

Aðstoðarskólastjóri leysir skólastjóra af.

Ef aðstoðarskólastjóri veikist leysa kjarnastýra hann af, einn eða fleiri eftir aðstæðum

Ef húsvörður veikist leysa skólastjóri, aðstoðarskólastjóri eða deildarstjórar hann af og öfugt.

### Hvernig verður lokun skóla auglýst og aflýst?

Lokun skóla verður auglýst á vefsíðu skólans [www.eyrarskjol@hjalli.is](mailto:www.eyrarskjol@hjalli.is) og vefsíðu Hjallastefnunnar [www.hjalli.is](http://www.hjalli.is). Auk þess verður sendur tölvupóstur til allra foreldra sem nota tölvupóst en hringt heim til hinna. Þessu til viðbótar verður lokun auglýst á öllum inngönguleiðum skólans.

Stuðst verður við eftirfarandi gátlista:

- Tilkynna ákvörðun um lokun skólans
- Setja upp áberandi auglýsingar, m.a. við innganga, um að skólinn sé lokaður nemendum
- Nota boðleiðir skólans til að kynna lokunina og viðbrögð við henni skv. Viðbragsáætlun skólans

- Yfirlara öryggismál fasteigna og búnaðar skólans
- Funda með starfsmönnum um hlutverk þeirra í starfseminni á tíma lokunar
- Virkja áætlanir um skólastarf á tíma lokunar.
- Vera í sambandi við yfirvöld almannavarna komi til þess að húsnæði skólans verði nýtt í þágu almannavarna.

**Hvaða boðleiðir til og frá skóla haldast opnar þannig að nauðsynlegt upplýsingastreymi haldist gangandi?**

Lögð verður áhersla á að halda skrifstofu skólans og símsvörum opinni. Tölvupósti verður einnig svarað eftir bestu getu. Lögð verður áfram áhersla á að virkja vefsíðu skólans [www eyrarskjol@hjalli.is](mailto:www eyrarskjol@hjalli.is) og póstlista (foreldra og starfsmanna). Upplýsingar verða einnig birtar á vefsíðu Hjallastefnunnar [www.hjalli.is](http://www.hjalli.is). Ef nauðsyn krefur og mögulegt er verður haft samband við foreldra/starfsmenn símleioðis.

**Aðstoð við erlenda skiptinema sem ekki geta komist úr landi.**

Í leikskólum og grunnskólum eru að öllu jöfnu ekki erlendir skiptinemar, en ef slíkir stunda nám í skólanum mun námsráðgjafi/aðstoðarskólastjóri skólans vera í samskiptum við íslenskt heimili nemendanna og styðja ef þörf er á.

**Verður unnt að halda úti áframhaldandi skólastarfi í einhverri mynd þrátt fyrir lokun skóla?**

Leikskólinn Eyrarskjólgetur ekki haldið áfram starfi ef kemur til lokunar skóla. Foreldrar verða beðnir um að fylgjast vel með tölvupósti og skólinn verður opnaður um leið og talið er öruggt.

**Framkvæmdir / aðgerðir á háskastigum**

Nr.	Neyðarstig	Verkbáttur	Framkvæmd
1	Heimsfaraldur er hafinn, framkvæmd viðbragðsáætlunar.	Þrep 1, óbreytt starfsemi en sóttvarnir framkvæmdar, fræðsla aukin og upplýsingaflæði eflt. Fylgst náið með fjarvistum. Samskiptaleiðir yfirfarnar. Fyrirmælum sóttvarnalæknis fylgt.	Hefðbundin starfsemi. Aukin áhersla á sóttvarnir og fræðslu. Skólastjýra upplýsir starfsfólk og foreldra um viðbragðsáætlun skóla. Foreldrar og starfsfólk upplýst um flensufaraldur er hafin og bent á fræðsluefni. Stuðst er við veikindaafleysingu vegna forfalla.
2		Þrep 2, aukin tíðni veikinda, möguleg breyting á starfsemi. Fyrirmælum sóttvarnalæknis fylgt.	Grunnstarfssemi haldið úti með því að sameina hópa. Skólastjóri (staðgengill) fylgist með forföllum og setur upplýsingar inná heimasíðu skólans og tilkynningar við innganga skólans.

3		<p>þrep 3, veruleg breyting á starfsemi: lokun eða aðgerðaráætlun um órofna starfsemi fer í gang. Fylgt fyrirmælum sóttvarnarlæknis.</p>	<p>Börn send heim.</p> <p>Reynt að halda skólahald hjá yngstu börnum, með sameiningu bekkja og starfsfólk fært til í starfi.</p> <p>Verði samtímis forföll starfsmanna þannig að að skólastjóri meti ötyggi barna ógnað eru børn send heim og kjörnum lokað.</p>

#### Hvernig verður tryggð umsýsla fasteigna og öryggismála meðan á lokun stendur?

Húsvörður skólans tryggir umsýslu fasteigna og öryggismála og í forföllum hans skólastjóri eða aðstoðarskólastjóri (sjá nánari upplýsingar um afleysingu skólastjóra hér að framan).

#### Hvernig verður staðið að skipulagningu skólastarfs eftir opnun?

Skólastjörnendur munu skipuleggja skólastarfið eftir opnun. Yfirlara þarf m.a. skóladagatal og kennsluáætlunar. Í kjölfar slíkrar lokunar kann það að taka nokkurn tíma. Hugað verður einnig að andlegu ástandi nemenda og starfsfólks í samvinnu við Miðstöð og sálfræðinga. Lögð verður áhersla á að hefja kennslu strax eftir stundaskrá sé þess nokkur kostur.

Stuðst verður við eftirfarandi gátlisa.

- Huga að aðstoð og áfallahjálp fyrir þá sem eru að hefja skólastarfið á ný (ath. leiðbeiningar til skóla og e.t.v. aðgang að áfallateymum).
- Greina ástand starfsmanna til að hefja reglubundið skólastarf að nýju.
- Gera áætlun um framhald skólastarfsins í samræmi við stöðu mála.
- Upplýsa alla hagsmunaaðila um áætlun skólans um framhald skólastarfsins.
- Undirbúa húsnæði fyrir kennslu í samræmi við leiðbeiningar heilbrigðisyfirvalda.
- Huga að heilsu og öryggi nemenda og starfsmanna, bregðast við sorg og ótta sem býr með mönnum eftir mikil áföll.
- Hafa samráð við heilbrigðisráðgjafa um viðbrögð við veikindatilfellum og varúðarráðstafanir fyrstu vikurnar eftir lok faraldurs.
- Yfirlara viðbraðgsáætlun í ljósi reynslunnar.

## 9. Samskiptaleiðir

### Lykilaðilar er varðar boðun og afboðun

Leikskólinn Eyrarskjól, sími: 4568285, [eyrarskjol@hjalli.is](mailto:eyrarskjol@hjalli.is)

### Skólastjörnendur:

Guðríður Guja, [guja@hjalli.is](mailto:guja@hjalli.is) sími: 8628250

Ingibjörg Einarsdóttir aðstoðarleikskólastýra [ingibjorgei@hjalli.is](mailto:ingibjorgei@hjalli.is) sími. 894065

## 10.Kort og teikningar

### Sóttvarnasvæðin

Íslandi er skipt upp í átta sóttvarnaumdæmi og er sóttvarnalæknir skipaður í hverju þeirra. Í stórum sóttvarnaumdæmum eru skipaðir sóttvarnalæknar ákveðinna svæða. Sjá mynd 10.1.

### Sóttvarnalæknar umdæma og svæða

#### Höfuðborgarsvæðið

Lúðvík Ólafsson framkvæmdastjóri heilsugæslu Höfuðborgarsvæðisins  
Gunnar Ingi Gunnarsson, heilsugæslulæknir Árbæ, Reykjavík

#### Vesturland

Þórir Bergmundsson, Heilbrigðisstofnun Vesturlands, Akranesi  
Friðrik Jónsson, St. Fransiskuspítalinn í Stykkishólmi

#### Vestfirðir

Súsanna Björg Ástvaldsdóttir, Heilbrigðisstofnun Vestfjarða, Ísafirði

#### Norðurland

Þórir V. Þórisson, Heilsugæslan Akureyri  
Ásgeir Böðvarsson, Heilbrigðisstofnun Þingeyinga, Húsavík  
Héðinn Sigurðsson, Heilbrigðisstofnunin Blönduósi

#### Austurland

Stefán Þórarinsson, Heilbrigðisstofnun Austurlands, Egilsstöðum  
Björn Magnússon, Heilbrigðisstofnun Austurlands, Neskaupstað

#### Suðurland


Óskar Reykdalsson, Heilbrigðisstofnun Suðurlands, Selfossi

#### Vestmannaeyjar

Karl Björnsson, Heilbrigðisstofnun Vestumannaeyja

#### Suðurnes

Sigurður Árnason, Heilbrigðisstofnun Suðurnesja, Reykjanesbær  
Sigurjón Kristinsson, Heilbrigðisstofnun Suðurnesja, Reykjanesbær



## 11. Dreifingarlisti

Eintakið er vistað rafrænt á eftirtöldum vefsíðum: [www.eyrarskjol.hjalli.is](http://www.eyrarskjol.hjalli.is)

Innri vefur skólans: Á vefsvæði starfsmanna [eyrarskjol@hjalli.is](mailto:eyrarskjol@hjalli.is)

Auk þess eru rafræn og prentuð eintök vistuð á eftirtöldum stöðum:

Deildir innan skólans, nefnið allar og fjölda eintaka	
Skrifstofa skólastjóra	1 stk.
Kaffistofa	1 stk.
Undirbúningsherbergi	1 stk ?

## 12.Breytingasaga

Útgáfa	Dagsetning	Skýringar / breytingar	Fært inn af:
	11/03/2020	Sniðmát sent skólanum frá Gæðastjóra Hjallastefnunnar	Guðríður Guja
1.0	13/03/2020	Viðbragðsáætlun skóla birt	Guðríður Guja